



Preg

barnehager
Ulsteinvik

Sammen om å sette verdifulle spor

Årsplan 2025/26

Preg barnehager Ulsteinvik



Barnehageåret 2025/2026



Preg barnehager Ulsteinvik Velkommen til oss!

Om barnehagen

I Preg barnehage Ulsteinvik ønsker vi å formidle livsglede og læring i eit trygt og stabilt miljø. Kvart barn skal få oppleve at dei er verdifulle og unike, og at dei har vener i barnehagen. Vi arbeider for å fremje trivsel, humor og glede blant vaksne og barn.

Barnehagen vår er eit datterselskap av Preg barnehager AS, og er ein livssynsbarnehage. Barnehagen er bygd i 1976 og er såleis den eldste barnehagen i Ulstein. Små og store i barnehagen er glad i song og musikk. Ute har vi ei stor naturtomt som utfordrar til allsidig leik og utforsking. Inn i mellom leikeapparat, trær og busker finn vi også ei grillhytte og ein gapahuk på uteområdet.

Barnehagen har barn frå 0-5 år og er organisert i to avdelingar:

FIOL

0-3 år, med plass til 16 barn.
Fiol er opptatt av omsorg, tryggleik og trivsel for kvart einskilt barn.
Tlf: 479 78 625

KLØVER

Barn over 3 år, med plass til 24 barn.
Kløver er opptatt av meistring, eigenverd og tilhørslse.
Tlf: 488 93 026 / 479 79 478

OPNINGSTIDENE 07.00 - 16.45

Dagleg leiar: Berit-Mari Nystøyl (80%) og Linda Ulstein (20%)

Tlf: 700 10 732 / 479 78 343

Presentasjon av Preg barnehager

Preg barnehager AS er ei ideell barnehagekjede som blir drive på vegne av Norsk Luthersk Misjonssamband. Barnehagane har ulik storleik og er spreitt rundt i store delar av Noreg.

Preg barnehager AS er eit ikkje-kommersielt selskap. Eventuelle overskot skal nyttast til å utbetre og styrke medlemsbarnehagane.

Lov om barnehager med forskrifter og Rammeplan for barnehagen sitt innhald og oppgåver bestemmer innhald og rammer for barnehagane våre. I samsvar med barnehageloven § 1a andre ledd, blir barnehagane drivne med eit kristent formål. Visjonsdokumentet vårt og verdiplattformen fortel korleis det kristne formålet skal prege livet i barnehagane våre. Desse dokumenta finn du på vår nettside.

Preg barnehager sin visjon er:

“Sammen om å sette verdifulle spor”

Verdiane våre er:

Nestekjærleik - Likeverd - Mestring

Verdiane våre er laga med utgangspunkt i Visjonsdokumentet, som er eit felles dokument for alle Preg barnehager.

Rammene for å drive barnehage

GRUNNLAGSDOKUMENTER

Barnehagen sitt formål og innhald er fastsett gjennom Barnehageloven og Rammeplanen. Desse dokumenta er utgangspunkt for barnehagen sin daglege drift og årsplanen byggjer på desse. Alle barnehagar skal byggje på verdigrunnlaget som er fastsett i Barnehageloven og FNs konvensjon om barnet sine rettar.

Årsplanen inneheld ein oversikt over korleis barnehagane våre skal jobbe det komande året. Den er eit arbeidsdokument for personalet, og skal vise korleis vi arbeider med omsorg, lek, danning og læring. Årsplanen skal også tydeleggjere progresjon og synleggjere korleis vi vurderer det pedagogiske arbeidet vårt. Tema i periodane gjennom året blir det jobba ulikt med i barnehagane og i barnegruppene, avhengig av alderen til barna og deira modning. Barna vil få nye utfordringar i dei ulike periodane som vil gi utvikling av kunnskap og ferdigheitar. Årsplanen dannar også utgangspunkt for pedagogiske planar og evaluering av periodane. Vurdering av det pedagogiske arbeid skjer blant anna gjennom bruk av evalueringar i personalgruppa, samtalar med barna, pedagogisk dokumentasjon, diskusjonar av praksis i ulike møter og evalueringar i Samarbeidsutvalet (SU).

Kvalitetsutvikling

PREG BARNEHAGER SINE FOKUSOMRÅDE

Preg barnehager har utvikla ein handlingsplan for kompetanseutvikling, leing og organisering. Du kan lese meir om fokusområda våre her www.pregbarnehager.no

KOMPETANSEUTVIKLING FOR PREG BARNEHAGER AS

I Preg barnehager har vi eit stadig fokus på rekruttering av føremålstenleg kompetanse til barnehagane. Eit profesjonelt fagfellesskap og gode kompetansetiltak bidrar til betre rekruttering av barnehagelærarar, barne- og ungdomsarbeidarar og andre fagfolk. For å rekruttere nye pedagogar og fagarbeidarar til barnehagane våre, ønsker vi å samarbeide med utdanningsinstitusjonane, ved å ta imot lærlingar frå vidaregåande skular og studentar til praksis frå høgskulane. Daglege leiarar og andre tilsette i barnehagane blir oppfordra til å oppdatere og vidareutvikle kompetansen sin – både individuelt og kollektivt. Statleg tilskot gjennom kompetanseordningar og tiltak, er eit bidrag for å støtte opp om ansvaret vårt som barnehageeigarar.

Medarbeidarar som får nye utfordringar, som har dugande og engasjerte kollegaer og som får utvikla seg fagleg, blir gjerne verande i stillingane sine over år. Dette styrkjer kvaliteten i Preg barnehager.

Kvalitetsutvikling

BARNEHAGEN SOM EIN LÆRANDE ORGANISASJON

Barnehagen skal vere oppdatert og utviklingsorientert i tråd med forskning og kunnskap om barn, barndom, leik, læring og samfunn. Barnehagen er og skal vere i endring og utvikling. Det krev stadig ny kunnskap og kompetanse for å møte nye krav. For at barnehagen skal lykkast i å vere ein lærande organisasjon, må leiinga i barnehagen vere kunnskapsorientert og sikre at alle medarbeidarar føler eigarskap til det pedagogiske utviklingsarbeidet.

SYSTEM FOR SAMSPELKVALITET – EMOSJONELL STØTTE

I barnehagen skal alle barna oppleve å bli sett, forstått, respektert og få den hjelpa og støtte dei har behov for. Barnehagen skal aktivt leggje til rette for omsorgsfulle relasjonar mellom barna og personalet og mellom barna, som grunnlag for trivsel, glede og meistring. Personalet skal arbeide for eit miljø som ikkje berre gjer barna til mottakarar av omsorg, men som også verdset barna sine egne omsorgshandlingar. Rammeplanen kap. 3

Preg barnehagene skal kjenneteiknast av eit leike og læringsmiljø som opplevast som trygt, godt og utviklande. Vi har difor valgt å støtta oss til eit rammeverk for interaksjon utvikla av Pianta, Hamre og Paro. Grunntanken i rammeverket er at barn si utvikling og læring skjer i relasjon med andre barn og gode trygge vaksne. Dei har laga eit rammeverk for interaksjon (TTI rammeverket) som systematisk ser på korleis ein kan jobbe godt med relasjonar for å fremja utvikling og læring. (Class). Gjennom dette teoretiske perspektivet arbeider alle Preg barnehagar for å støtte dei tilsette i deira arbeid med å skape trygge gode miljø som set verdifulle spor vidare i livet.

Class er ei forkorting for Classroom Assessment Scoring System (CLASS; La Paro, K., Hamre, B.K., & Pianta R.C., 2012) Dette er eit observasjons- og refleksjonsverktøy som er utvikla for å måle samspelkvaliteten mellom tilsette og barn i barnehagen. Hovudfokuset er på vaksenrolla og på ansvaret til den vaksne for å støtte alle barns utvikling av tryggleik, læring og trivsel.

CLASS delast inn i 3 område: Emosjonell støtte, Organisering av avdeling og Støtte til læring og utvikling. I Preg barnehager innfører vi dette til refleksjon, og kompetanseheving trinnvis, i løpet av ein treårsperiode.

Fokusområdet for barnehageåret 2025 - 2026 vil vera planlegging og organisasjonsstøtte. Dette vil omfatta følgjande område:

- Produktivitet
- Tilrettelegging og metode
- Rettleiing og reguleringsstøtte

Satsingsområde for dei tilsette i Preg Ulsteinvik

SATSINGSOMRÅDE FOR DEI TILSETTE I PREG BARNEHAGE ULSTEINVIK

Mål: Organisering av lek i barnehagen for å skape gode relasjonar.

Delmål:

- Leikande vaksne
- Organisering og tilrettelegging av lek/aktivitet
- Forstå leikens betydning
- Tiltak som bevisstgjer læring
- Skape ro
- Gode relasjonar
- Inkludering

Rammeplanen seier at leiken skal ha ein sentral plass i barnehagen, og leikens eigenverdi skal anerkjennast. Vi vil ha fokus på leiken si betydning og organisering av lek/aktivitet. Det å ha fokus på organisering av leiken i barnehagane vil skape gode relasjonar, tilhørslse, tryggleik og vil gi barna ei oversikt over leikemiljøet. Leiken er ein viktig del av barna sitt liv. Gjennom lek utviklar dei sosiale og fysiske dugleikar, og opparbeider seg kjensle av meistring. Leiken er også grunnlaget for barnas venskap med kvarandre. Dei vaksne skal vere støttande stillas og ikkje minst vere autoritative i møte med barna. Vi kan lære barna samanhengar i leiken og hjelpe dei til å kome vidare ved å utvikle barna si erfaring. Gode rammer for leiken stimulerer til venskap og sosialt samspel, som igjen fører til samarbeid, sjølvregulering og igjen stimulerer språk og kognitiv utvikling. God tilrettelegging gjev ei anna moglegheit for likeverdige og meiningsskapande relasjonar og vil skape meir ro i forhold til lek og aktivitet.

Hos oss betyr dette:

- Leiken skal ha ein sentral plass
- Invitere barna inn i leiken
- Personalet skal ha kunnskap om lek
- Leiken skal være tilpassa barnas interesse og alder
- Gode rutinar for organisering
- Ansvarlege vaksne
- Skape gode relasjonar barn/barn, barn/vaksen
- Nytte det fysiske miljøet best mogleg
- Leikegrupper

SATSINGSOMRÅDE FOR BARNEGRUPPA


Mål: Skape eit miljø som inspirerer til og gir rom for ulike typar lek både ute og inne. Alle barna skal få oppleve glede, humor, spenning og engasjement gjennom leiken.

KOMPETANSEUTVIKLING I ULSTEIN

Ulstein kommune har ei felles satsing på kompetanseutvikling i "Ulsteinbarnehagane". Fokuset er inkluderande praksis. I år med særleg fokus på kapittel 8 i barnehagelova, om psykososialt barnehagemiljø.

Målet er å utvikle kompetanse og praksis for inkluderande praksis i barnehagane, og at alle barn skal høyre til i fellesskapet.

Barnehagen vår er ein del av dette.



Barnehagen sin pedagogiske plattform

MÅLA I VISJONSDOKUMENTET


“Sammen om å sette verdifulle spor” er visjonen vår. I visjonsdokumentet er disse måla felles for alle:

- I barnehagane våre skal alle få oppleve kjærleik utan vilkår
- I barnehagane våre skal alle vite at dei er skapt av Gud og kjenne at dei er unike og verdifulle
- Med Jesus som førebilete skal vi møte alle med respekt og toleranse

Desse måla skal vi alltid ha for auge i alt arbeid vi gjer i barnehagen.

I PREG ULSTEINVIK BETYR DET AT:

- Kvart barn skal få oppleve at dei er verdifulle og unike, at personalet syner omsorg for den enkelte og er ein trygg base for dei.
- Kvart barn skal få møte vaksne som er nære og aktivt deltakande i kvardagen, vaksne som ser dei, lyttar til dei og kjem dei i møte.
- Kvar familie skal få møte eit miljø der dei vert respekterte, finn støtte og oppmuntring i deira eigen situasjon.
- For å bli kjent med Jesus presenterer vi det kristne innhaldet på ein enkel, trygg og positiv måte.



SYNET VÅRT PÅ BARN

Det einskilte barnet er eit unikt, fullverdig menneske som skal møtast med respekt, omsorg og kjærleik. Dei skal få hjelp til å utvikle eit sunt sjølvbilete, og oppleve tryggleik og glede. Dei tilsette skal leite etter dei positive mogelegheitene i det einskilte barnet og elske fram desse. Vi vil vere vaksne som alltid har barnet sitt beste for auga. Dette skal ligge til grunn for alle handlingar og avgjersler som gjeld barnet.

I PREG ULSTEINVIK BETYR DET AT:

At vi ser på barn som kompetente frå fødselen av, skapte i Guds bilde. Vårt mål er å ta vare på og vidareutvikle barnas eigenskapar og kompetanse. Barnet er rikt, sterkt og engasjert, og har stor vilje til å lære. Vi skal respektere og anerkjenne barnet slik det er. Dei verdiar vi legg til grunn er vår kristne ståstad, toleranse, respekt og likeverd. Det er eit menneskesyn der den enkelte vert sett på som unik, og der alle har evne i seg til utvikling. Vårt pedagogiske grunnsyn skal få innverknad på daglegliv, teori, haldningar, erfaring og gje ei ramme for arbeidet vårt.

VAKSENROLLA

Vi skal vere vaksne som byggjer ein positiv relasjon til barna og meistrar balansen mellom å vere varm og tydeleg. Vi skal sjå barnet sitt perspektiv og ha medverknad i fokus. Den vaksne utøver positiv grensesetting ut ifrå barnet sine føresetnader. Dette skal vere prega av varme og respekt for barnet. Det er den vaksne som har ansvaret for relasjonen med barnet, og som alltid skal vere medviten dei verdifulle spora han set.

I PREG ULSTEINVIK BETYR DET AT:

Barna møter autoritative vaksne - vaksne som byggjer gode relasjonar med barna og meistrar balansen mellom varme og kontroll. Den vaksne har barnet sitt perspektiv og medverknad i fokus. Dette må ikkje forvekslast med å vere autoritær. Når vaksne er autoritative i møte med barna, vil det styrke barna til å vere i stand til å ta gode val, oppsøke dei vaksne, vise glede og ha positiv samhandling med andre.



Korleis arbeide med omsorg, leik, danning og læring?

Barn skal trivast og ha det godt i barnehagen. I Preg barnehager sørgjer vi for at alle barn blir sett og inkludert slik at dei lærer og utviklar seg ut frå egne føresetnader.

Innhaldet i barnehagen skal vere allsidig, variert og tilpassa enkeltbarnet og barnegruppa. I barnehagen skal barna få leike og utfalde skaparglede, undring og utforskartronge. Ein skal sjå arbeidet med omsorg, danning, leik, læring, sosial kompetanse og kommunikasjon og språk i samanheng og samla bidra til den allsidige utviklinga til barna. (Rammeplanen)

OMSORG

Tryggleik er utgangspunktet for barna sin trivsel og læring. Derfor kjem omsorg alltid i første rekkje. For å få trygge barn, er vi avhengig av at kompetente og sensitive vaksne gir barna den omsorga dei har behov for.

Personalet i barnehagane våre skal ha fokus på korleis det einiskilde barnet har det og leggje til rette for aktivitetar som inkluderer alle barn, der alle barn blir sett og høyrte. På en slik måte set vi verdifulle spor.

I PREG ULSTEINVIK BETYR DET AT:

- Personalet skal sørge for at alle barn opplever tryggleik, tilhørsele og trivsel.
- Personalet skal legge til rette for at barna kan knytte seg til personalet og til kvarandre.
- Personalet skal møte alle barn med openheit, varme og interesse. Vi skal gje støtte og rettleie slik at barna taklar situasjonar og kjenner glede ved å meistre.
- Dei vaksne må stoppe leik som utviklar seg negativt.
- Personalet skal støtte og oppmuntre barna til å vise omsorg for andre og til sjølv å kunne ta imot omsorg.
- Alle barn skal få grunnleggende behov som mat, kvile og nærleik.

LEIK

Leik er den viktigaste aktiviteten for barna si utvikling og læring, samtidig som den er eit mål i seg sjølv. Gjennom leiken utviklar og vidareutviklar barn sosiale, språklege og kroppslege ferdigheiter. Når barna inngår i eit leikefelleskap, drar dei nytte av kvarandre sine styrkar og kunnskapar. I samspel med kvarandre og med dei vaksne blir eit godt miljø for glede, læring og utvikling skapt.

Leikemiljøa i barnehagane våre skal vere inkluderande, allsidige og stimulerande. Dei vaksne skal vere deltakande og støttande i barna sin leik.

Leik har ein sentral plass i barna sine liv og er ein viktig læringsarena hos oss. Leiken skal vere lystbetont, frivillig og spontan.

I PREG ULSTEINVIK BETYR DET AT:

- Vaksne i barnehagen skal legge til rette for variert leik og ulike aktivitetar, tilpassa barna sine interesse og dugleik.
- Personalet skal hjelpe barna til å kome i gong med positiv leik, og vere støttande stillas dersom barna treng det.
- Personalet skal skape eit godt, stimulerande miljø, der vi skal vere tilgjengeleg.

DANNING

I fellesskap med andre utviklar barnet identitet og sjølvstende. Barn samlar erfaringar gjennom kva dei gjer, kva for tilbakemeldingar dei får av andre og kva dei opplever. Dei tilsette skal anerkjenne barna som individ med tankar, følelsar og intensjonar, og støtte barna sine forsøk på å skape mening i den verda dei er ein del av.

I barnehagane våre skal barna få kunnskap som er med på å utruste dei til å ta gode val i livet. Dette er en del av ei livslang læring og ein prosess som handlar om kven ein er og korleis ein er i møte med andre menneske. Vi ønskjer å sette verdifulle spor i barna på en slik måte, at dei sjølv føler seg verdifulle og at dei er gode nok som dei er. På den måten kan dei ta med seg sine erfaringar som eit grunnlag å byggje vidare på i livet.

LÆRING

Barnehagen skal gi barn grunnleggjande kunnskap på sentrale og aktuelle område. Personalet skal støtte barns si nysgjerrigheit, kreativitet og lysten å vite noko nytt, og gi utfordringar med utgangspunkt i barnet sine interesser, kunnskapar og ferdigheiter. (Barnehageloven § 2)

Kvardagen i barnehagane våre skal vere prega av utforskning og leik, der barna tileignar seg ny kunnskap og nye ferdigheiter. Barnehagen skal leggje til rette slik at barna får gode mestringsopplevingar innanfor trygge rammer. Vi ønskjer å sette verdifulle spor med tilsette som har god relasjonskompetanse og tid for læring.

I PREG ULSTEINVIK BETYR DET AT:

- Personalet skal legge til rette for gode opplevingar både ute og inne.
- Personalet skal vere gode rollemodellar, og rettleie på ein god måte.
- Personalet skal støtte barnas aktivitet, engasjement og deltaking.
- Personalet skal utfordre barnas tenking og invitere dei inn i utforskande samtalar.
- Personalet skal legge merke til, anerkjenne og følge opp barnas perspektiv i fellesskapet.



I PREG ULSTEINVIK BETYR DET AT:

- Personalet skal legge til rette for positive og støttande læring i mindre grupper, der det er rom for undring og refleksjon.
- Personalet skal sjå barna sine initiativ og lytte til dei.
- Barna skal møte eit trygt, fysisk miljø som gir allsidige rørsle erfaringer.
- Personalet skal legge til rette gode læringsmiljø der det er plass for ulikskap og er inkluderande.
- Personalet skal legge til rette for at barna kan knytte seg til personalet og til kvarandre.



Barns medverknad

I Preg barnehager skal barna få mogelegheit til aktiv deltaking i planlegging og vurdering. Barn skal få tid og rom til innspel som bidrar til at dei opplever å påverke sin eigen kvardag. I barnehagane våre skal barna kjenne at dei har ei verdifull og viktig stemme inn i eit fellesskap som er trygt og inkluderande for alle. Personalet sitt syn på barnet og sin eigen rolle som vaksen vil ha verknad for korleis barn opplever medverknad i kvardagen.

Barnehagen skal vise korleis alle kan lære av kvarandre og fremje barna sin nysgjerrigheit og undring over likskapar og forskjellar. Barnehagen skal bidra til at alle barn føler seg sett og anerkjent for den dei er, og synleggjere den einskilde sin plass og verdi i fellesskapet. (Rammeplanen)

I PREG ULSTEINVIK BETYR DET AT:

Personalet skal legge til rette for at barna kjenner tilknytning og fellesskap, der dei kan våge å uttrykke sine egne intensjonar. Barna skal få medverke på ulike måtar i sin kvardag, mellom anna: ordenshjelp, matlaging, vere med å bestemme varmmat og “min samling” der barna har ansvar for ei samling saman med ein vaksen. Vi vaksne skal gi barna rom for å undre seg og stille spørsmål, og dei skal møte anerkjenning for tankar og meiningar dei gir uttrykk for.

Plan for det kristne innhaldet

Preg barnehager har eit kristent livssynsgrunnlag. Det betyr at barna i barnehagane våre får ein barnehagekvardag basert på kristne og humanistiske verdiar. Formål vårt, visjonen vår og verdiane våre er felles for alle barnehagane våre. Dette skal vere grunnlaget for dei val vi gjer, både i kvardagsaktivitetar og i andre planlagde aktivitetar.

I PREG ULSTEINVIK BETYR DET AT:

Vi brukar NLM-ung sitt opplegg for samlingsstunder: “Kort og godt”, som er meint for barn frå 3 år og oppover, og “Smått og Godt” som er meint for dei yngste barna. Desse opplegga er konkrete og praktiske, og tek for seg dei ulike bibelforteljingane. Vår barnehage har fokus på høgtidene og merkedagane i kyrkjeåret.

Vi nyttar ulike formidlingsmåtar i kvardagen, t.d. flanellograf, konkretar, song, musikk, og drama. Kvart år arbeider vaksne og barn med “Ung Global” NLM Ung sitt årlege prosjekt, der ein lærer om barn i andre land. Vi avsluttar med misjonskafè, der vi samlar inn pengar til prosjektet. Foreldre, sysken og besteforeldre tek del.



Tilknytning og relasjonsbygging

Plan for oppstart i barnehagen

Når barnet startar i barnehagen for fyrste gong skal barnehagen i samarbeid med foreldre legge til rette for at barnet får ein trygg og god start. (Rammeplanen kap.6)

Overgang heim-barnehage

Når eit barn startar i barnehagen er det særskilt viktig med tett oppfølging, mellom anna for at vi skal lære å kjenne barnet best mogleg. Barnehagen ynskjer ein open og god dialog med foreldra, det er viktig for barnet sin trivsel og tryggleik. Alle barn får sin eigen primærkontakt, slik at dei i starten har ein vaksen dei kan knyte seg ekstra til. Tilvenningsperioden er individuell, og vi anbefaler å bruke god tid, og kortare dagar der det er mogleg.

Overgang mellom avdelingar i barnehagen

Overgangar skjer også innad i barnehagen. Personalet skal sjå til at barn og foreldre får tid og rom til å verte kjende med barna og dei tilsette når dei skiftar barnegruppe. (Rammeplanen kap.6)

Hos oss skjer overgang frå Fiol til Kløver i hovudsak om hausten, ved nytt barnehageår. I Rammeplanen står det at personalet skal sørge for at barnet og foreldra får tid og rom til å bli kjend med andre barn og anna personalet når eit barn bytter barnegruppe. Derfor har vi i løpet av våren vore medvitne på å la barna få kjennskap til den avdeling/gruppa dei skal flytte over til. Barna får då vere med andre barn frå si avdeling og ein vaksen på besøk for å bli kjent med avdelinga. I overgangen er det også viktig at barna får ro, nærleik, og god omsorg. Derfor deler vi gruppa i to, for å sjå det enkelte barnet i større grad. Ute i barnehagen får også barna på Fiol kjennskap til både barn og vaksne på Kløver. Viktige nøkkelord i alle overgangar er tryggleik og forutsigbarheit.

Overgang barnehage - skule/SFO

Barnehagen skal i samarbeid med foreldra og skulen legge til rette for at barna kan få ein trygg og god overgang frå barnehage til skule og evt. SFO. (Rammeplanen kap.6)

I Ulstein Kommune har ein felles plan for overgangen mellom barnehage og skule. Planen gjeld for alle barnehagar og skular i kommunen. Målet er å gi barna ein så god skulestart som råd er. Det vert lagt opp til skulebesøk for barna, og eit samarbeid mellom foreldre, skule og barnehage. Barnehagen vil om våren ha kontakt med foreldra der ein innhentar løyve om overføring av informasjon til skulen, dersom det er behov for det. På nyåret vert barn og foreldre invitert til innskriving på skulen. På våren er det skulebesøk saman med venane frå barnehagen og personalet. I juni er det førskuledag. Dersom det er behov for fleire besøk kan barnehagen ta kontakt med skulen. I forhold til overgangen er det viktig å gi barna erfaring, kunnskap og ferdigheiter som kan gi dei eit godt grunnlag og god motivasjon for å begynne på skulen. Barnehagen skal bidra til at barna avsluttar barnehagetida på ein god måte, og møte skulen med nysgjerrigheit og tru på egne evner.

Eit trygt og godt psykososialt barnehagemiljø

Eit godt psykososialt miljø i barnehagen er viktig i det helsefremjande og førebyggjande arbeidet for barn. Barnehagen skal møte barna med tillit og respekt, og bidra til trivsel og glede i lek og læring. Den skal vera ein utfordrande og trygg stad for fellesskap og vennskap. Barnehagen skal fremja demokrati og likestilling, og motarbeida alle former for diskriminering. Personalet skal vera merksame på eigne haldningar og åtferd, både i forhold til åtferd som kan verka krenkjande og ved bruk av makt og tvang.

Personalet skal handtera og følgja opp uønskete situasjonar, *jfr Barnehagelova kap. 8, § 42. Det skal utarbeidast ein skriftleg plan i samsvar med aktivitetsplikta. Preg barnehager har utarbeida ein eigen handlingsplan for eit trygt og godt barnehagemiljø.

BARNEHAGEN SIN PLAN FOR EIT TRYGT OG GODT PSYKOSOSIALT BARNEHAGEMILJØ

Overordna mål: Alle i barnehagen skal kjenne seg trygge.

Kvart enkelt barn skal bli ivaretatt både fysisk og psykisk. Vi vaksne skal vere nær barna, slik at kvart enkelt barn skal føle seg trygg og ivaretatt. Dette er viktig for å førebyggje mobbing/ utestenging.

Korleis kan mobbing mellom småbarn sjå ut?

Slåing, lugging, skubbing, erting, verte ledd av, kalla dumme ting, øydelegge og gøyme ting for kvarandre og utestenging av lek.

Førebygge:

1. Lek og vennskap. Meistring og danning
2. Oversikt over barna
3. Samarbeid med heimen
4. Vaksne sitt ansvar, observasjonar og haldningar
5. Den gylne regelen. (Det du vil at andre skal gjere mot deg, skal du gjere mot dei)

Tiltak:

1. Samtale med barna
2. Styrke barnet
3. Foreldresamtale
4. Samarbeidspartar

Oppfølging: Sjå gjennom eigne rutine og undersøkje om det er noko ved barnehagen sitt miljø som kan endrast. Alle mobbesaker skal meldast til pedagogisk leiar og styrar. Ein er også heilt avhengig av eit godt samarbeid med foreldra.

Inkludering

I Preg barnehager skal alle barn kjenna seg elska og verdsett som viktige deltakarar i fellesskapet. Vi arbeider med mangfald og inkludering som ein heilskapleg del av kvardagen, og målet vårt er at alle barn skal oppleve tryggleik og varetaking. Vi arbeider dagleg for å gi opplevingar som set verdifulle spor.

Barnehagen skal fremja likeverd og likestilling uavhengig av kjønn, funksjonsevne, seksuell orientering, kjønnsidentitet og kjønnsuttrykk, etnisitet, kultur, sosial status, språk, religion og livssyn. Barnehagen skal motverka alle former for diskriminering og framme nestekjærleik. (Rammeplan)

Barnehagen skal vera ein inkluderande arena der barn kan knyte venskap, trivst, utvikle seg og lære. Alle barn skal få delta ut frå føresetnadene sine. Vi skal bidra til å styrkja barn sin identitet, og skape fellesskap der det er rom for alle.

I PREG ULSTEINVIK BETYR DET AT:

Dei tilsette i barnehagen skal arbeide for at alle barn, og vaksne, skal kjenne tilhøyrslle. Vi skal respektere og anerkjenne barnet som det er. Alle skal ikkje vere like, men ha like mogligheiter.


For meir, sjå barnehagen sin inkluderingsplan på pregulsteinvik.barnehage.no

Progresjon

Progresjon er ein prosess som ifølgje rammeplanen skal rette seg mot barna sine opplevingar, leik og læring. Det er derfor dei tilsette sin rolle å finne barnet sitt utgangspunkt, og byggje vidare på dette slik at kvart barn får akkurat passe utfordringar, og ein god progresjon. Dei vaksne i barnehagane våre skal sikre progresjon ved å vere til stades og sjå barna i meistringsaugneblink, dokumentere og hjelpe dei til vidare utvikling.

Tilretteleggjing i planleggingsfasen er viktig med tanke på gruppeinndeling etter interesse, kunnskapar, ferdigheiter og sjølvstøtte barnet sine egne ønskjer. Barna i barnehagane våre må få ulike utfordringar og dei skal oppleve at dei stadig lærer meir. Vi må finne ein balanse mellom det å oppleve meistring og å kunne strekkje seg etter nye mål. Progresjon skal følgje barnet si utvikling og ikkje ei bestemt aldersgruppe.

Viser til barnehagen sin progresjonsplan på pregulsteinvik.barnehage.no



Planlegging, dokumentasjon og vurdering

FELLES OVERORDNA GRUNNLAG

Årsplanen skal gi informasjon om korleis barnehagelovens føresegner om innhald skal følgjast opp, dokumenterast og vurderast. Det skal bli lagt til rette for at barn, foreldre, barnehagen sitt personale og eigarar kan delta i planlegging, dokumentasjon og i vurdering av barnehagen si pedagogiske verksemd. Behova til barnegruppa og einskildbarnet skal observerast og vurderast fortløpande.

I PREG ULSTEINVIK BETYR DET AT:

I vår barnehage legg vi planane våre med grunnlag i lovverk, rammeplan og barnehagen sin årsplan. Personalet har regelmessig personalmøter, avdelingsmøter, ledermøter og fagdagar. Samtalar med foreldre og barn er og med å legge grunnlag for planlegging i barnehagen.

Dokumentasjon skjer gjennom:

- Via heimesida vår pregulsteinvik.barnehage.no
- På Kidplan
- Månadsplan
- Foto som vi heng opp i barnehagen
- Vise fram det ein arbeider med
- Observasjonar
- Referat frå ulike møter i barnehagen
- Årsplan

Vurdering/evaluering gjer vi i avdelingsmøter, personalmøte og leiarmøte. Vi brukar til dømes observasjon og praksisforteljingar. Ståstedsanalysen i Class vert nytta. Foreldresamtalar og foreldreundersøkelsen for barnehagar.

Samarbeid

EIGAR PREG BARNEHAGER

Barnehageeigar har det overordna ansvaret for at barnehagen blir driven i samsvar med gjeldande lover og regelverk, jf. barnehageloven § 7 første ledd.

Preg barnehager og den einskilte barnehage samarbeider systematisk om å gi barna eit barnehagetilbod av god kvalitet. Dette er nedfelt i Preg barnehager sine Fokusområde.

KORLEIS SER DETTE UT I PRAKSIS I BARNEHAGEN?

Barnehagane i Preg barnehager AS er egne AS. Nokre barnehagar har felles styre. Ulsteinvik har felles styre med Godøy. Saker som blir behandla her er mellom anna budsjett, rekneskap, personalsaker, tilsetjingar og vedlikehald.

Samarbeidsutval: dette består av to foreldrerepresentantar og to personalrepresentantar som alle vert vald om hausten. I tillegg ein representantar frå eigarstyret. Dagleg leiar er sekretær.

Barnehagen vår er medlem av Private Barnehagers Landsforbund, PBL. PBL gir hjelp og støtte til medlemsbarnehagane med allsidig kompetanse på ulike område, samt tilbod om kurs og rådgiving.

FORELDRESAMARBEID

Personalet i barnehagen har ansvar for å vere opne, og skape tillit og tryggleik i høve til foreldra. Foreldra i barnehagane våre skal oppleve at dei blir sett og at dei blir tatt på alvor. Gode relasjonar til foreldra, med kommunikasjon som er prega av respekt og varme, er av avgjerande for eit godt foreldresamarbeid.

Både foreldra og personalet må forhalde seg til at barnehagen har eit samfunnsmandat og verdigrunnlag som det er barnehagen sitt ansvar å forvalte. (Rammeplanen)

KORLEIS SER DETTE UT I PRAKSIS I BARNEHAGEN?

- Daglege kontakt ved henting og bringing , utveksling av informasjon og formidling av kvardagen til barnet
- Telefonkontakt, via telefon/mail og Kidplan
- Foreldresamtalar to gongar i året, ein på haust og ein på vår. Fleire om det skulle vere behov for det
- Foreldreråd
- SU (samarbeidsutvalg)
- Foreldremøter
- Dugnad i barnehagen
- Foreldreundersøkelsen til Udir
- Sosiale arrangement: Adventsfest, påskefrukost, sommarfest

Samarbeid

KOMMUNEN

- Samordna opptak
- Stryrernetverk
- Kompetansemidlar
- Økonomi (tilskot)

ANDRE

- PPT
- BUP
- Helsestasjonen
- Barneverntenesta
- Politi
- Leikeklasskontrollen
- Skular
- Ulstein bibliotek
- Høgskulen i Volda
- Anticimex
- Ulstein kyrkje
- Aldersheimen
- Dei andre barnehagane i Ulstein
- Andre NLM-barnehagar

I dette samarbeidet vert reglar om taushets- og opplysningsplikt i barnehageloven og annet regelverk overholdt. Samtykke frå føresette skal hentast inn ved deling av informasjon. Barnehagar har etter norsk lov plikt til å melde frå om ting som ein observerer som bekymringsfullt.

VÅRE STYRINGSdokument

- Barnehagelova
- Rammeplan
- Verdidokument
- Vedtekter
- Årsplan
- Handlingsplanar
- Progresjonsplan
- Månadsplan

